

COMUNICATO n. 1733 del 28/06/2024

Traduzione in cimbrio

Kalandardjo Euregio 2025: vor atz viare von snitt mochtma schikhan di pildar vor in fotografege konkórs

[Cimbrio] Machan a sait vonan kalandardjo pittnar foto dar soinen, disa iz an oportunitét boda haür o khint gètt in pürgar von Euregio Tiról, Südtiról, Trentino: defatte, 'z izta zait sin an sunta atz viar von snitt zo vazza di foto afte websait von Euregio un vürlengse dar djuria z'soina zornìrt. Di foto boda bartn gebinnen bartn khemmen gelekk aftn kalandardjo von Euregio 2025.

Ma mage zornìrn aniaglan argomént: daz bichte azta di foto soin khent gemacht in ummaz von drai lentar von Euregio un azza zoage bazzez iz disa earde.

Dar vorsitzar von Euregio un vodar autonome Provìntz vo Poatzan Arno Kompatscher, vorst in toalnemmar zo giana übar di grentzan zo süacha baz abezonemma. "Bar hoffan azta saibe a naügez seng, boda geat übar di grentzan un azta khemmen abegenump сайтn von Euregio boda nia soin khent abegenump". Vil foto bartn zoang gântz schümmene auzseng, laüt un eleméntn vodar kultúr, vodar arkitetür, un von traditzionen, odar no rarege moméntn un eventn gelaich in gântz Euregio.

Dar Kompatscher un di vorsitzar vodar autonome Provìntz vo Tria Maurizio Fugatti un von Lânt Tiról Anton Mattle, khön alle ke 'z iz eppaz guatz azta khemmen ågenump foto vo aniaglan argomént un khönse mearar no baz kontént azta di initziatìf saibe hërta mearar gekhennt: defatte disan stroach bartnda khemmen auzgètt 16.000 kòpie, vorz djar 2024 anvétze soinsa gest 13.000 vor in groaz kalandardjo, vor in khlumma di kòpie auzgètt bartn soin 11.000, vor haür soinsa gest 8.000.

Aniaglaz mentsch in Tiról, Südtiról un Trentino mage nemmen toal in konkórs un inngem viar fot vor aniaglana stadjong, in gântzan 16 pildar. Dar Euregio vorst azta di foto boda khemmen gevazzt hãm da peste risolutzion boma mage un azta di file khemmen gehozt pitt informatzionen boda khön bazta iz khent abegenump un berz 'z hattze geschikht. In gântzan bartnda khemmen zornìrt 49 foto: ummana vor da earst sait von kalandardjo un 12 vor daz haup pilt vor aniaglan mánat, darzuar åndre drai zo lega panándar vor aniaglan mánat.

Alle di fotografe an lestin bartn khemmen gelekk pittnándar afta geleichege sait von kalandardjo.

Berda gebinnt bart vângen alz prais an rokh boda auzhaltet 'z bazzar drau pinn stempl von Euregio, darzuar zo haba soi foto aftn kalandardjo.

Di informatzionen aftn konkórs makmase vennen afte websait von Euregio:

<https://www.europaregion.info/it/euregio/novita/quiz-concorsi-a-premi/concorsi-a-premi/calendario-delleuregi>

Da dar formular innzoschraibas: <https://foto-euregio-2025.com/it>

Übersetzt von Schaltarle vor di zung von Toalkamou vodar Zimbar Hoachebene

(cdt)